

台  
州  
札  
記

# 序

台州文獻陳貧窵嘉定赤城志尚矣嗣是吳子良撰續志林表民撰三志元楊敬德撰赤城元統志其書皆不傳至明成化間謝方石祭酒撰赤城新志體例悉依舊志惟沿宋末講學流派高談心性即是偉人文學政事畧置弗論近人補輯又染明人習氣引書好改頭換面如自己出使人無所依據識者病之余髫年喜聚台州掌故後游學四方棄去弗錄迨戊子自粵歸里舊稿散佚諸老友交相勸曰君留心有年與其沈於胸中盍若垂諸簡牘使後之修志乘者得所取材不亦善乎於是重為蒐輯畧加考證宋元以

前釋其雅馴足補郡志之闕者編為十二卷題曰台  
州札記凡近人府州縣志以及諸家族譜所載鄉里  
傳聞不敢闕入同邑郭石齋茂才亦留心桑梓每來  
城過訪必劇談終日余笑語曰君今之林表民媿余  
非陳實憲拾遺補闕俟君異日續成之可也併以識  
諸簡端道光十三年太歲癸巳十月廿六日臨海洪  
頤煊識於小停雲山館時年六十有九

台州札記目錄

卷一

會稽東部都尉

回浦

章安城

臨海郡治

永寧

南始平

寧海

赤城郡

夷洲

天台山

啟蒙記

丹邱

臨海道

臨海嶠

臨海山

赤蘭橋

畫白團扇

天台山伎

金庭館

東部都尉題名

太守補遺

陳化寓章安

樂安令

羊固

孫綽

周顒

奚熙

田流

祥異

東揚州

臨海太守

縣令補遺

晉執

任顒

李廢

許邁

天台逸民

孫恩之亂

楊素討賊

卷二

李敬猷

朱濟

月桂子

白雲四召

張嘉貞

袁光孚

李白遊天台

袁晁之亂

春秋大儒

王默

蘇亶

駱賓王貶臨海丞

沈佺期

康希銳

賈長源結銜

李嘉祐

鄭虔卒於台州

袁倓

顧況

金松

平戎記

五色雲

滕邁

李敬方

蕭惟香

孫百篇

羅虬

卷三

唐職官闕名

台州碑目

表甫之亂

李紳

柳泌採藥天台山

喬庶

竇弘餘

董卿

任翻中山詩

石穴

唐興令

台州鍾款

李師望題名

劉漢宏

錢氏鐵券

董昌生祠

杜雄

劉文

駱團

駱延壽 延威

包彥暉

李振

元德昭

錢倣鎮台州

仁惠夫人

孫琰

吳延福

錢宏仰

吳越紀年

吳越用契丹年號

上元丁卯

幼璋

永安縣

卷四



子城

元絳十橋

東湖荷花

寶城院

彭公嶼

貢院

上蔡書院山主

崇道觀

石曹巷

都酒務

抵當庫

州河

東湖

宋營制

狀元塘

廟學異處

上蔡書院

資善堂

分緡閣

都米倉

酒稅之害

商稅務

杜瀆鹽場

天慶觀

白雲庵

梅園

巾山塔燈

湛泉

般若臺

石臺山

卷五

小鑑湖

郭太尉山居

蓮子試酒

六通院

一相庵

東西茶院

多寶塔

胡承公題名

蒼山

尾閭

退老堂

松隱

南園

綦內翰卷

溪風亭

東巖堂

藥園

見一堂

李庚宅

謝參政府

陳貧窻宅

浮岡別業

松山林壑

蔡瞻明宅

錢丞相府

玉寒堂

吳大叟山居

吳明可園林

趙明道宅

慶善樓

雪巢

桑世昌居近石橋

環碧亭

西橋南巷

閩風吟室

綠漪堂

白鷗莊

興賢坊新居

卷六

王珏

楊蟠

日本僧

呂和卿

左經臣

瀛國夫人

養浩齋

鳳嶼豐山

楊園

羅適

張無夢

黃巖縣尉范仲溫

孔大仲為推官

石公弼兄弟

陳子高

左譽

趙子砥

李易安

高宗幸章安

盧知原

李顯忠

賀中允

呂頤浩

陳公輔

范宗尹

謝伋追索

曹筠

楊揆屏迹台州

左尹善權

卷七

曾宏父十詩

鹿鳴燕詩

元相國告身

朱斐

李才翁 德翁

洪文惠未改名

陳良翰

臨海三陳

鄭偉

蕭振

曾吉甫知台州

巾山詩次韻

望海潮詞

陸靜之

蘇玘

錢端禮

錢處和賓館

王卿月

曹耜

鹿何致仕

宋之瑞占對

尤文簡東湖詩

謝廓然

徐範

商飛卿為神

卷八

幼唐仲友六狀

嚴菜

朱唐始末

黃巖水利

沈作賓留賢碑

徐子寅

謝丞相

徐淵子

檢驗屍格

卷九

王簡卿侍郎

王棐仲溫

杜清獻

陳耆卿

貧窻集

桑世昌

林表民

吳子良

劉深父

謝丞相四子

謝擗伯

謝采伯

謝奕禮

闕庚

葛紹體東山集

賈涉

宋濟

陳振孫知台州

胡太初

王應麟通判台州

鄭雄飛

李艮夏紹基

謝圭

國材

戴覺民

董楷

車氏兄弟

卷十

葉西澗家訓

信公年譜



信公五帖

賈似道

賈似道題名

謝堂

謝堅

戴石屏

劉淵

謝耘

戴曷

趙與依

王澡

薛泳

方嶽

舒岳祥

胡三省

藏書客記

劉莊孫

毛鼎新

錢應孫

吳諒 郭三益 陳仁玉

徐一初

求愛廬 僧清益 萬嘉

陳柏 盛雪巢

杜文甫題名錄名

卷十一

趙孟貫

胡石塘

柯謙

謝晟孫

李消孫

劉環翁

陳孚

元初詩家

周仁榮

黃庚

潘音

陳大有 夏洪參

林昉

陶烜 陶復初

謝鐸 謝瑛

舒叔獻

楊敬德

陳應潤

于演

李明復

葛蒙

柯九思

張謹

盧思敏

陳天瑞

卷十二

吳子中

黃元徽

趙友蘭

趙夢龍

陳德永

陳謙

范守中  
陶宗道

姚雪心

衛九鼎  
盧益修

李介石

陳立善

陳處亨

魏頤

陳岳

葉可觀

葉清友

張明卿

林茂濬

戴胃

方濬

丁仲容 謝子木

林邦獻

泰不華寓台

新山別館

項炯

大雅集

石抹宜孫 劉基

橫舟和尚

方國珍據三郡

陳敬初兄弟

劉仁本

方明敏

孝友堂記

陶宗儀

朱右

男瞻塘校字孫鳳鑒侍

台州札記卷一

臨海洪頤煊

會稽東部都尉

漢書地理志會稽郡錢唐注西部都尉治回浦注南部都尉治而無東部都尉三國志虞翻傳注元鼎五年除東越因以其地為治立東部都尉後徙章安陽朔二年又徙治鄞或有寇害復徙句章宋書州郡志臨海太守本會稽東部都尉前漢都尉治鄞後漢分會稽為吳郡疑是都尉徙治章安晉太康記章安本鄞縣南之回浦鄉章帝章和元年立後漢郡國志於章安云故治閩越地光武更名其實前志都尉治注

台

於回浦下不在治<sup>治</sup>下章安與回浦相連去治絕遠當以太康記所言為正三國志孫亮傳太平二年以會稽東部為臨海郡孫休傳永安三年以會稽南部為建安郡東京屢見東部而不聞南部南部當是漢末所立前志回浦下稱南部都尉治明是東部之譌

### 回浦

元和郡縣志漢立東部都尉本鄞之回浦鄉分立為縣後漢改回浦為章安縣太平寰宇記後漢光武帝時改回浦為章安縣是後漢章安縣即前漢回浦縣改其名未改其地赤城志回浦在臨海縣東南一百一十九里祥符寺前與章安相近

## 章安城

赤城志章安城在臨海縣東南一百一十五里本漢回浦縣屬會稽郡後漢光武時改為章安三國志孫奮傳太元二年立為齊王坐廢為庶人徙章安縣太平三年封為章安侯資治通鑑胡三省注晉太康記曰章安本鄞縣南之回浦鄉余謂太康志所云即吳臨海郡之章安縣地今台州黃巖縣章安鎮是也奮徙章安即臨海之章安也章安鎮宋屬臨海赤城志在縣東一百二十里與章安城相近胡台州人而必分鎮與城為二未知何據

臨海郡治

晉書地理志臨海郡吳置統縣八章安第一縣臨海  
第二縣宋書州郡志臨海太守本會稽東部都尉前  
漢都尉治鄞後漢徙治章安臨海令吳分章安立是  
吳太平二年以會稽東部為臨海郡其郡治仍在章  
安後分章安立臨海縣並不為臨海郡治晉宋齊梁  
皆因之元和郡縣志隋平陳廢郡為臨海縣武德四  
年討平李子通于臨海縣置海州五年改海州為台  
州自是以臨海縣為台州郡迄<sub>治</sub>迄于今不改

永寧

後漢郡國志會稽郡章安故治<sub>治</sub>閩越地光武更名永  
寧永和三年以章安縣東甌鄉為縣蓋後漢廢治<sub>治</sub>縣



而閩越故地皆屬於會稽東部都尉都尉初治在治  
後徙治章安至漢末始於故治縣立南部都尉三國  
志賀齊傳建安元年孫策遣永寧長韓宴領南部都  
尉將兵討商升以齊為永寧長晉書地理志永寧屬  
臨海郡山海經甌在海中郭璞注今臨海永寧縣即  
東甌故地其時永寧尚屬臨海宋書州郡志永嘉太  
守晉明帝太寧元年分臨海立領縣五永寧安固松  
陽樂成橫陽為今温州一郡之地自是永寧與臨海  
分為二郡新唐書地理志黃巖上元二年析臨海置  
天授元年更名非漢永寧縣之地

# 南始平

元和郡縣志唐興縣三國時吳分章安置南始平縣  
晉武帝以雍州有始平改為始豐太平寰宇記引興  
地志云吳初置為南始平縣晉太康元年改曰始豐  
宋書州郡志始豐令吳立曰始平晉武帝太康元年  
更名赤城志亦稱太康元年改始平為始豐皆脫南  
字吳書黃龍三年會稽南始平言嘉禾生尤明證

## 寧海

宋書州郡志寧海令何志漢舊縣按二漢志晉太康  
地下闕元和郡縣志晉穆帝永和三年分會稽之鄞  
縣置寧海縣太平寰宇記臨海記云晉永和三年分  
會稽郡八百戶於臨海郡章安地立寧海縣二漢志

晉太康地記不得有寧海縣何志誤

### 赤城郡

太平寰宇記吳少帝時置臨海郡晉宋齊因之梁又為赤城郡按梁書伏曼容傳蔡搏傳王筠傳蕭洽傳劉潛傳傅昭傳皆言為臨海太守並無言赤城郡者元和郡縣志叙台州亦不言梁為赤城郡寰宇記之言不足據

### 夷洲

三國志吳主傳黃龍二年遣將軍衛溫諸葛直將甲士萬人浮海求夷洲及亶洲亶洲在海中長老傳言

秦始皇帝遣方士徐福將童男童女數千人入海求  
蓬萊神仙及仙藥止北洲不還世相承有數萬家其  
上人民時有至會稽貨布會稽東後漢書東縣人海  
行亦有遭風流移至亶洲者所在絕遠卒不可得至  
但得夷洲數千人還後漢書東夷傳李賢注沈瑩臨  
海水土志曰夷洲在臨海東南去郡二千里土地無  
霜雪草木不死四面是山谿人皆髡髮穿耳女人不  
穿耳土地沃饒既生五穀又多魚肉有犬尾短如麀  
尾狀此夷舅姑子婦臥息共一大牀畧不相避地有  
銅鐵唯用鹿骼為矛以戰鬪摩礪青石以作弓矢取  
生魚肉雜貯大瓦器以鹽鹵之歷月餘日乃啖食之  
以為上看也赤城志引臨海記夷洲在郡三十里是

傳寫之譌

天台山

文選孫綽遊天台山賦注支遁天台山銘序曰予覽覽  
內經山記云剡縣東南有天台山南齊書顧歡傳於  
剡天台山開館聚徒受業者常近百人褚伯玉傳遂  
往剡居瀑布山性耐寒暑在山三十餘年天台山賦  
落五界而迅征注孔靈符會稽記曰此山舊名五縣  
之餘地五縣餘姚鄞句章刻始寧六寧朝凡言天台山  
皆屬剡而不言始豐

啟蒙記

太平御覽地部天台山引顧愷之啟蒙記注云天台

山去天不遠路經猶溪孫綽天台山賦作猶溪李善注引作油溪字異音同御覽  
舊本作福溪赤城志別作溪水險而清冷前有石橋  
福溪之名非是今改正  
路徑不盈尺長數十丈下臨絕冥之澗唯忘其身然  
後能躋躋者梯巖壁捫蘿葛之莖度得平路見天台  
山蔚然綺秀列雙闕於青霄上有瓊樓玉閣天堂碧  
林醴泉仙物畢具晉隱士白道猷得過之獲醴泉紫  
芝靈藥文選李善注引畧同此為天台山游記之始  
與孫綽同時

### 丹邛

孫綽游天台山賦仍羽人於丹邛尋不死之福庭神  
異記餘姚虞洪入山採茗過一道士牽三青羊引洪

至瀑布山曰吾丹邛子也孟浩然將適天台詩羽人  
在丹邛吾亦從此逝皆不言所在吳越備史王名儼  
開運四年三月出鎮丹邛丹邛即台州曾宏父鹿鳴  
宴詩三郡看魁天下士丹邛未必隆家聲皆以丹邛  
如赤城為台州一郡之總名

### 臨海道

水經漸江水注浦陽江水又東流南屈又東迴北轉  
逕剡縣東江水翼縣轉注故有東渡西渡焉東南二  
渡通臨海西渡通東陽宋書謝靈運傳嘗自始寧南  
山伐木開逕直至臨海從者數百人臨海太守王琇  
驚駭謂為山賊徐知是靈運乃安臨海自吳立郡其

路不至靈運始開當是山僻仄徑其榛蕪就加除爾

### 臨海嶠

謝靈運登臨海嶠初發疆中詩李善注謝靈運遊名初

山志曰桂林頂遠則嵎尖疆中疆中地名當在剡縣

界詩暝投剡中宿明登天赤城志以晉分臨海嶠嶺

南為永嘉郡嶠嶺即今溫嶺其去剡絕遠非當日經由

由之道水經注浦陽江北逕嵎山又東北逕始寧縣

嵎山之嶠平各本嶠上有成功二字太嶠壁立臨江嶠

西有山孤峰特上飛禽罕至嶠北有嵎浦浦口有廟

甚靈驗北則嵎山與嵎山相接二山雖曰異縣而峰

嶺相連其間傾澗懷煙泉谿引霧吹水風馨觸岫延



賞是以王元琳謂之神明境事備謝康樂山居記疑  
即此所云臨海嶠揆以道里差為得之

### 臨海山

元和郡縣志臨海江有二水合成一水一是始豐溪  
一是樂安溪至州城西北一十三里合太平御覽卷  
四十七引臨海記臨海山山有二水合成溪曰臨海  
一水是始豐溪一水是樂安溪樂安舊本至州北兩  
溪相合即名臨海溪山因溪名臨海山疑即今之大  
固山臨海立縣或即因此山為名太平寰宇記臨海  
縣下臨海山所述與臨海記同唯稱臨海山在縣東  
北二百四十里赤城志因之若臨海山在縣東北二  
百四十里山當在大海中豈復有始豐樂安二溪相

合之水乎其誤甚矣

北章安縣去臨海山里數今縣既改併沿襲舊文故誤

### 赤蘭橋

赤城志赤蘭橋在臨海縣東南一百二十里舊志云  
晉成公綏為章安令登橋望江製雲賦焉又見初學  
記案初學記卷七橋類章安有赤蘭橋卷一雲類有  
晉成公綏雲賦台州府志作望江製雪賦者誤也太  
平御覽卷一百十五臨海記章安縣南門有赤蘭橋  
世傳成公綏作縣此橋上製聽縣令年常解聽事用  
生鹿其年活得白鹿還後於聽事上生以祭神仍還  
食之歲時用焉自是以後白鹿不可復得而必須生

鹿歷代相承迄今不絕

畫白團扇

太平寰宇記石新婦山在臨海縣東七十里山旁多有奇石如婦人之狀石悉紺色宋大帝嘗遣畫工摹寫山狀時人盛圖於白團扇括蒼山在縣西四十里石壁上有刊字科斗形高不可識春月樵者聞簫鼓笳吹之聲聒耳元嘉中遣名畫寫狀於團扇即此山也

天台山伎

南齊書樂志永明六年赤城雲霧開朗見石橋瀑布從來罕未覩也山道士朱僧標以聞上遣主書董仲民案視以為神瑞太樂令鄭義泰案孫興公賦造天

台山伎作莓苔石橋道士捫翠屏之狀

金庭館

梁沈約桐柏山金庭館碑云永泰元年遂遠出天台  
定居茲嶺所憩之山實維桐柏實靈聖之下都五縣  
之餘地桐栢所在厥號金庭事謁靈圖因以名館陶  
宏景真誥云桐栢山高萬八千丈其山八重周廻八  
百餘里四面視之如一山六朝皆以桐栢為金庭有不死死  
之鄉在桐栢之中方圓四十里上有黃雲覆之唐崔  
尚天台山新桐栢觀頌云桐栢山中有洞天號金庭  
宮即中右弼王子晉之所處也故老相傳云昔葛仙

公始居此地洎乎我唐有焉司馬馬練師居焉景雲中新  
作桐柏觀是梁之金庭館即唐之桐柏觀元和中裴  
通撰金庭館記別以小香爐峯為金庭洞天在剡縣  
東南七十里後人因之非是

### 東揚州

宋書晉熙王昶傳出為會稽太守尋監會稽東陽臨  
海永嘉新安五都諸軍事已陵哀王休傳出為使持  
節都督會稽東陽永嘉臨海新安五郡諸軍事領會  
稽太守謝興宗傳遷會稽太守加都督會稽東陽新  
安永嘉臨海五郡事州郡志孝建元年分揚州之會  
稽東陽新安永嘉臨海五郡為東揚州自是五郡諸

軍事不復領於會稽太守

會稽東部都尉題名

三國志吳太平二年以會稽東部為臨海郡志台州職官者當以東部都尉為始舊志並闕今考得五人隸續會稽東部都尉路君闕永平八年四月十四日庚申造惜不詳其名

隸釋衛尉衡方碑府君諱方字興祖除膠東令州舉尤異遷會稽東部都尉會喪太夫人寢門苦由

三國志全琮傳父柔漢靈帝時舉孝廉補尚書郎右丞董卓之亂棄官歸州辟別駕從事詔書就拜會稽東部都尉

潘濬傳注吳書曰芮良字大驚隨孫策平定江東策以為會稽東部都尉卒

張紘傳紘字子綱廣陵人孫策表為正議校尉曹公表權為討虜將軍領會稽太守曹公欲令紘輔權內附出紘為會稽東部都尉

### 臨海太守

舊志臨海太守题名自吳至隋四十二人其中為并並為訂正

晉書陶璜傳璜弟濬濬子湮並有名湮至臨海太守赤城志誤作陶濬

世說新語棲逸篇注文志曰李廌好學善草隸與

兄式齊名式字景則思理儒隱有平素之譽渡江累  
遷臨海太守赤城志誤作宋人又以李式謫作李成  
重見於前非是

宋書謝靈運傳高祖受命起為散騎常侍轉太子左  
衛率少帝即位權右大臣靈運非毀執政出為永嘉  
太守在郡一周稱疾去職台州府志據志統志稱靈  
運由秘書監出為臨海太守尋改永嘉誤  
梁書伏曼容傳梁臺建以曼容舊儒召拜司馬出為  
臨海太守天監元年卒官赤城志誤作人晉  
梁書蕭景傳齊建武中遷永寧令政為百城最永嘉  
太守范述曾居郡號稱康平雅服景為政乃榜郡門



曰諸縣有疑滯者可就永寧令決頃之以疾去官永  
嘉人胡仲宣等千人詣闕表請景為郡不許歸郡永  
寧屬永嘉郡赤城志叙范述於臨海太守而又刪曾  
字誤

梁書劉潛傳潛字孝儀大同十年出為臨海太守是  
時政綱疎闊百姓多不遵禁孝儀下車宣示條制勵  
精綏撫境內翕然風俗大革台州府志改臨海太守  
作赤城郡守非是

陳書錢道戢傳天嘉元年又領剡令鎮於縣之南巖  
尋為臨海太守鎮巖如故赤城志天嘉誤作元嘉因  
以道戢為宋人

王筠蔡樽傳俱見梁書赤城志誤作宋人  
程大季傳見陳書赤城志誤作梁書

太守補遺

晉書都趙傳服闕以為臨海太守加宣威將軍不拜資  
資治通鑑太元二年十二月臨海太守都超卒

晉書任旭傳字次龍臨海章安人也咸和二年卒太  
守馮懷上疏謂宜贈九列

宋書蔡興宗傳世祖踐阼遷臨海太守

宋書王僧達傳兄錫罷海臨海郡送故及奉祿百萬以

上僧達一夕命奴輦取無復所餘

宋書張茂度傳陸子真臨海太守南齊書陸慧曉傳

父子真自臨海太守眠疾歸為中散大夫卒志謫作

陸萬載

宋書劉道產傳劉延熙大明中為臨海太守

宋書孔覲傳覲為臨海太守吏部尚書顏竣奏曰新

除臨海太守孔覲意業閑素

元和姓纂宋臨海太守周毅

隋書經籍志宋臨海太守江玄叔集四卷江秉之名已見

南齊書沈文季傳出為臨海太守元徽初遷散騎常

侍兄子昭畧永明元年出為臨海太守名已見王思遠

傳臨海太守沈昭畧賦私思遠依事劾奏高宗及思

遠從兄宴昭畧叔父文季請止之思遠不從案事如

故梁書江淹傳淹又奏臨海太守沈昭畧多被劾治  
南史蔡搏傳梁臺建為侍中遷臨海太守公事左遷  
名已初搏在臨海百姓楊元孫以婢采蘭貼與同里  
黃權約生子酬乳哺直權死後元孫就權妻吳贖婢  
母子五人吳背約不還元孫訴搏判還本主吳能為  
正出入搏內以金釧賂搏妻遂改判與吳元孫搥登  
聞鼓訟之為有司劾時搏已去郡雖不坐而常以為  
恥

梁書王筠傳中大通三年出為臨海太守名已在郡  
被訟不謂累年南史王筠傳出為臨海太守在郡侵  
刻還資有坐屬兩舫他物稱是為有司奏不調累年

陳書世祖紀承聖三年東揚州刺史張彪起兵圍臨海太守王懷振懷振求救

陳書庾持傳文帝令持監臨海郡以貪縱失民和為山盜所劫幽執十旬世祖遣劉澄討平之持乃獲免

### 縣令補遺

隸績嚴訢碑訢字少通守章安山陰長以疾去官和平元年卒

南齊書王遂之傳起家章安令

梁書范岫傳累遷臨海縣令

陳書張種傳種年四十餘家貧求為始豐令

陳書陸子隆傳歷始豐縣令  
梁書陸襄傳天監三年除永寧令以蕭景傳證之梁  
時永寧屬永嘉郡赤城志載入黃巖縣令誤

陳化寓章安

三國志注吳書曰陳化字元耀汝南人博覽衆書氣  
幹剛毅為郎中令使魏還拜掾為太守遷太常兼尚  
書今年出七十乃上疏乞骸骨爰居章安卒於家台  
州僑寓當以化為始赤城志不載

晉甄

赤城志晉王氏墓在黃巖縣南七十里樓崎山墓甄  
螭形魚大貫以柳或為錢狀旁有文云晉永和十二  
年歲次兩辰八月壬午瑯琊國或云八月壬午作方

壁二千樓崎洽典作或云太元十五年餘皆漫不可  
識台州近時掘地得晉孰甚多余藏有二十餘方詳  
見余所撰台州金石畧

### 樂安令

臨海縣南十五里小溪近人耕地得墓孰文云晉故  
樂安令鉅鹿程氏之墓十一字宋書州郡志樂安令  
晉康帝分始豐立此必令鉅鹿人卒於官葬於此地  
惜不著其名

### 任顥

世說新語政事篇王丞相拜揚州賓客數百人並加  
霑接人人有說色唯有臨海一客姓任注語林曰任  
名顥時官在

却孫王及數胡人為未洽公因便還到過任邊云君  
公坐出臨海便無復人任太喜說赤城志祇載任旭而不  
及顯旭字次龍見晉書隱逸傳

### 羊固

世說新語雅量篇過江初拜官興飾供饌羊曼拜丹  
陽尹客來蚤者並得佳設曰宴漸罄不復及精隨客  
早晚不貴問貴賤羊固拜臨海竟日皆美供雖晚至亦  
獲盛饌時論以固之豐華不如曼之真率

### 李廐

世說新語棲逸篇李廐是茂曾第五子清貞有遠操  
而少羸病不肯婚官居在臨海任兄侍中墓下既有



高名王丞相欲招禮之故辟為府掾厥得賤命笑曰  
茂弘乃復以一爵假人注厥好學善草隸與兄式齊  
名式渡江累遷臨海太守侍中年五十四卒赤城志  
李使君式墓在臨海縣東南一百二十里白楓山南

孫綽

晉書孫綽傳嘗天作天台山賦辭致甚工除著作佐郎  
襲爵長樂侯征西將軍庾亮請為參軍補章安令徵  
拜太學博士遷尚書郎遊天台山賦序云方解纓絡  
永託茲嶺賦當作於罷令之後世說新語品藻篇孫  
興公許玄度皆一時名流或重許高情則鄙孫穢行  
或愛孫才藻而無取於許注續晉陽秋曰綽雖有文

才而誕縱多穢行時人鄙之

許邁

晉書許邁傳遺羲之書曰自山陰南至臨安多有金  
堂玉室仙人芝草左元放之徒漢末諸得道者多在  
焉太平御覽卷四十一天台山下引晉書許邁與王  
羲之書作自<sup>山</sup>陰至臨海太平寰宇記天台縣下引亦  
作自山陰至臨海今本作臨安者誤也

周顒

太平御覽卷四十一蔣山下引金陵地記曰周顒字  
彥倫隱居蔣山出為臨海令還罷都欲游舊居孔稚  
珪作北山移文以譏之南齊書周顒傳元徽初出為

判令有恩惠百姓思之不言為臨海令

天台逸民

周書庾信傳祖易齊徵士父肩吾梁散騎常侍中書令哀江南賦况乃少微真人天山逸民階庭空谷門巷蒲輪此述其祖易也赤城志引作天台逸民或其舊本如此乃以為述父肩吾隱居天台誤矣

奚熙

三國志孫皓鳳皇三年會稽妖言章安侯奮當為天子臨海太守奚熙與會稽太守郭誕書非論國政誕但白熙書不白妖言送付建安作船遣三郡督何植收熙熙發兵自衛斷絕海道熙部曲殺熙送首建業

夷三族注江表傳曰皓左夫人死皓哀慙思念葬於苑中已葬之後皓治喪於內半年不出國人見葬大奢麗皆謂皓已死所葬者是也皓舅子何都顏狀似皓云都代立臨海太守奚熙信謠言舉兵欲遠誅都都叔父信時為備海督擊殺熙夷三族

### 孫恩之亂

晉書安帝紀隆安三年十一月甲寅妖賊孫恩陷會稽內史王凝之死之吳國內史桓謙臨海太守新蔡王崇義興太守魏隱並委官而遁  
孫恩傳恩自海攻上虞殺縣令因襲會稽害內史王凝之有眾數萬於是會稽謝鍼吳郡陸環吳興丘乂

義興許允之臨海周胄永嘉張永及東陽新安等凡  
八郡一時俱起殺長吏以應之旬日之中衆數十萬  
安帝紀四年四月孫恩寇浹口五月轉寇臨海  
宋書高祖紀五年十一月高祖追恩於滬漬及海鹽  
又破之三戰並大獲俘馘以萬數恩自是饑饉疾疫  
死者大半自浹口入臨海

晉書天文志元興元年孫恩寇臨海人衆餓死散亡

殆盡

孫恩傳及桓玄用事恩復寇臨海臨海太守辛景討景討

破之恩窮蹙乃赴海自沈妖黨及妓妾謂之水仙從  
死者百數餘衆復推恩妹夫盧循為主

高祖紀元興元年孫恩自奔敗之後徒漸散懼生見  
獲乃於臨海投水死餘衆推恩妹夫盧循為主桓見  
玄欲且緝寧東土以循為永嘉太守循雖受命而寇  
暴不已五月玄復遣高祖東征時循自臨海入東陽  
宋書虞丘進傳又從高祖東征臨海於石步固與盧  
循相守二十餘日

田流

南齊書周山圖傳初臨海亡命田流自號東海王逃  
竄會稽鄞縣邊海山谷中立屯營分布要害官軍不  
能討明帝遣直後人聞人襲說降之授流龍驤將軍流  
受命將黨與出行達海鹽放兵大掠而反是冬敕鄞

今耿猷東境大震六年救山圖將兵東屯決口廣設  
贖募流為其副暨等所殺

### 楊素討賊

隋書楊素傳浙江賊帥高智慧自號東揚州刺史船  
艦千艘屯據要害素擊之智慧逃入海賊帥汪文進  
自稱天子據東陽署其徒蔡道人為司空守樂安進  
討悉平之又破永嘉賊帥沈孝徹於是步道向天台  
指臨海郡遂捕遺逸寇前後百餘戰智慧遁守閩越  
李景傳高智慧作亂江南復以行軍總管從楊素擊  
之別平倉嶺

祥異

宋書符瑞志孫皓天璽元年臨海郡吏伍曜在海際得石樹高三尺餘枝莖紫色詰屈傾靡有光采山海經所載玉碧樹之類也

符瑞志晉穆帝永和五年二月癸卯臨海太守藍田侯述言郡界木連理

符瑞志吳孫權時靈龜出會稽章安

符瑞志吳孫權赤烏十二年八月癸丑白鳩見章安梁書武帝紀天監五年四月始豐縣獲八目龜一



台州札記卷二

臨海洪頤煊

李敬猷

舊唐書李襲志傳父敬猷隋台州刺史地理志台州  
隋永嘉郡之縣<sup>臨</sup>海縣武德四年平李于通置海州五  
年改為台州六年沒於輔公祐<sup>祐</sup>七年平賊仍置台州  
隋不得有台州刺史疑史誤

蘇瓊

舊唐書蘇瓊傳父勗貞觀中台州刺史下文云幹瓊  
從父兄也父勗武德中秦王府文學館學士幹父名  
勗瓊父不應亦名勗張說撰蘇瓊神道碑烈考沁台

二州刺史諱某不言其名新唐書宰相世系表瓌父  
宣台州刺史宜從之

來濟

新唐書高宗紀顯慶二年八月丁卯貶來濟為台州  
刺史唐臨傳初來濟謫台州李義府謫普州臨奏許  
禕為江南巡察使張倫劍南巡察使禕與濟善而倫  
與義府有隙武后嘗右義府察知之坐免官

駱賓王貶臨海丞

舊唐書駱賓王傳高宗末為長安主簿坐賊左遷臨  
海丞怏怏失志棄官而去文明中與徐敬業於揚州  
作亂新唐書駱賓王傳武后時數上疏言事下除臨

海丞鞅鞅不得志棄官去今駱丞集有久客臨海詩  
與兩唐書本傳棄官言合新唐書李敬業傳嗣聖元  
年坐賊貶柳州司馬會長安主簿駱賓王貶臨海丞  
俱客揚州失職怏怏即於是秋九月作亂駱丞之貶  
不必與敬業同時當以舊唐書在高宗末為正

月桂子

封氏聞見記垂拱四年三月桂子降於台州臨海縣  
界十餘日乃止司馬孟詵安撫使狄仁傑以聞編之  
史策月中云有蟾蜍玉兔并桂樹相傳如此自昔未  
有親見之者歷家之說月行者獨南北道假令此月上  
當台州之分則他年月桂豈獨無無子何至此日方始

降也又月徑千里周回三千里桂子若下猶漫三千  
里內亦不當專在台州咫尺之地日月麗天各有限  
域豈瀕洞無底而有桂子漏乎宋之問台州作詩云  
桂子月中下天香雲外飄文士尚奇非事實也

沈佺期

新唐書沈佺期傳會張易之敗遂長流驩州稍遷台  
州錄事參軍事入計得召見拜起居郎兼修文館直  
學士尋歷中書舍人太子少詹事開元初卒佺期有  
哭蘇眉州崔司業詩序云神龍三年秋八月佺期承  
恩北歸此正量移台州之時在台州三年任滿入京  
得召見城志引佺期詩云昔常遊此郡三霜弄雲鳥

島其言正與史合又引沈佺期集有餞台州袁刺史  
入計序以為卽袁光孚光孚之為台州刺史在天寶  
末年非佺期所及見志誤證

白雲四召

舊唐書司馬承禎傳字子微河內溫人事潘師正傳  
其符錄及辟敎導引服餌之術止於天台山則天聞  
其名召至都降手勅以讚美之及將還勅麟臺監李  
嶠餞之於洛橋之東北初召也景雲二年睿宗令其  
兄承禕就天台山追之至京引入宮中問以陰陽術  
數之事承禎對曰云云固辭還山仍賜寶琴一張及  
霞紋帔而遣之朝中詞人贈詩者百餘人此再召也

開元九年玄宗又遣使迎入京親受法籙賞賜甚厚  
十年承禎又請還天台山玄宗賦詩以遣之詩云紫  
府求賢士青溪祖逸人江湖與城闕異跡豈殊倫間  
有幽棲者居然厭俗塵林泉先適性芝桂欲調神地  
道踰稽嶺天台接海瀕音徽從此聞萬古一芳春此  
三召也十五年又召至都玄宗令承禎於王屋山自  
選形勝置壇室以居焉承禎頗善篆隸書玄宗令以  
三體寫老子經因刊正文句定著五千三百八十言  
為真本以奏上之是歲卒於王屋山時年八十九

康希銑

赤城志刺史題名開元十一年康希銑以銀青光祿

大夫來守會稽人有集二十卷見唐藝文志及越州  
香嚴寺碑壁記不載顏真卿文集有銀青光祿大夫  
汝郡開國公康希銑神道碑稱公自饒州入為國子  
司業以言事貶房州轉睦州遷台州所至之邦必聞  
美政開元初入計至京抗表請致仕元宗不許仍留  
三年請歸鄉敕書褒美賜衣一襲并雜綵等仍給傳  
驛至本州鄒自然陳光壁聞丘景陽陶暹送至越州  
希銑在台州凡兩任四人疑皆台士也

張嘉貞

尚書故實中書令河東公開元中居相位有張憬藏  
者能言休咎一日忽詣公以一幅紙大書台字授公

公曰余見居台司此何意也後數日貶官台州刺史  
河東公者張嘉貞也舊唐書張嘉貞傳坐與王守一  
交往左轉台州刺史新唐書方叔傳裴光庭當國憬  
藏以紙大書台字投之光庭曰吾既台司矣尚何事  
後三日貶台州刺史兩唐書裴光庭傳皆不言為台  
州刺史

賈長源結銜

赤城志辨誤云台州天慶觀有唐開元真容應見碑  
蓋開元二十九年立也後題朝散大夫使持節臨海  
郡諸軍事守臨海郡太守賈長源及桐柏觀碑天寶  
元年立則作朝請大夫使持節諸軍事守台州刺史



上柱國賈長源此一人耳所載官稱及部號不同如此攷唐天寶元年改台州為臨海郡至乾元元年復為台州不應開元二十九年便稱臨海郡天寶元年卻稱台州又唐武德元年改郡為州太守為刺史至天寶元年復改刺史為太守不應開元二十九年已稱臨海郡太守而天寶元年既改太守復號刺史非二碑有誤則史之誤也錢氏大昕養新錄壽老之辨當矣然以情理度之不特史文無誤即碑刻亦未嘗誤蓋天寶改元即在開元二十九年之次年而改州為郡是歲二月則二月以前尚稱台州刺史也真容應見勅雖在開元二十九年而台州距長安遼遠守

臣承詔刊石不妨遲至次年則此刻必在桐柏觀碑  
之後其稱臨海太守亦非誤也

### 袁光孚

唐明州象山縣蓬萊觀碑云肅皇在上汝南袁仲宣  
守臨 又云神龍之初縣肇名剡城詔屬於台廣  
德二年爰移於明台守仲宣得 已七十年  
赤城志刺史題名袁光孚天寶十四年盡至德二年  
其年正與碑合仲宣疑即光孚之字

### 李嘉祐

赤城志上元二年台州刺史李嘉祐有詩名所謂水  
田飛白鷺夏木轉黃鸝者是也詩一卷刊郡齋書錄

解題李嘉祐集一卷台州刺史李嘉祐從一撰天寶  
七載進士亦號臺閣集李肇稱其水田飛白鷺夏木  
嘒黃鸝之句王維取之以為七言今按此集無之

### 李白遊天台

李太白集有天台晚望詩新唐書李白傳天寶初南  
入會稽與吳筠善筠在天台白之遊天台亦當在此  
時時尚未召見供奉翰林也傳又云永王璘敗有詔  
長流夜郎會赦還李陽冰為當塗令白依之代宗立  
以左拾遺召而白已卒近人撰台州外書稱白天寶  
間既放廢遂恣遊山水窮台越之勝久之還廣陵洎  
族人李嘉祐守台後遊石梁所言皆與史不合又稱

魏萬慕李白為人天寶十三載冬聞白在天台遂由  
四明入國清今白集載魏萬序亦無此語

鄭虔卒於台州

新唐書鄭虔傳安祿山反偽授虔水部郎中賊平貶  
台州司戶參軍事後數年卒傳不言放還虔當卒於  
台州歷代名畫記鄭虔蘇許公為宰相申以忘年之  
契薦為著作郎開元二十五年為廣文館學士虔之  
貶為台州司戶當在至德二載九月收復京師之後  
上距蘇許公開元五年為宰相時已四十年杜子美  
有送鄭十八虔貶台州司戶傷其臨老陷賊詩又有  
哭台州鄭司戶蘇少監詩云山間一年俱注家皆謂

在廣德二年則虔在台州司戶凡八年

杜子美有懷台州鄭十八司戶詩天台隔三江風浪  
無晨暮鄭公縱得歸老病不識路山鬼獨一脚蝮蛇  
長如樹呼號傍孤城歲月誰與度又有得台州鄭司  
戶消息詩鄭老身仍竄台州信所傳為農山澗曲臥  
病海雲邊世已疎儒素人猶乞酒錢徒勞望牛斗無  
計劉龍泉風俗淳朴人情相安與前詩異矣

### 袁晁之亂

舊唐書代宗本紀寶應元年八月台州賊袁晁陷台  
州連陷浙東州縣二年三月丁未袁修破袁晁之衆  
於浙東四月庚辰河南副元帥李光弼奏生擒袁晁

浙東州縣盡平新唐書代宗本紀寶應元年八月辛  
未台州人袁鼂反九月癸卯袁鼂陷信州十月乙卯  
陷溫明二州十二月甲戌李光弼及袁鼂戰於衢州  
敗之廣德元年三月丁未李光弼及袁鼂戰敗之二  
年十一月癸丑袁鼂伏誅給復溫台明三州一年袁  
鼂之平兩唐書年月不同寶應二年即廣德元年新  
唐書李光弼傳寶應元年浙東賊袁晁反台州建元  
寶勝以建丑為正月殘剽州縣光弼遣麾下破其衆  
於衢州廣德元年遂擒晁浙東平又與舊唐書同  
資治通鑑寶應元年八月台州賊帥袁晁攻陷浙東  
諸州改元寶勝考異曰柳琪正閏位曆宋庠紀民疲  
元通譜皆改元昇國今從新書

於賦斂者多歸之李光弼遣兵擊晁於衢州破之廣  
德元年四月庚辰李光弼奏擒袁晁浙東皆平時晁  
聚衆近二十萬轉攻州縣光弼使部將張伯儀討平  
之伯儀魏州人也亦與舊唐書同

### 袁傖

舊唐書王栖曜傳廣德中草賊袁晁起亂台州連結  
郡縣積衆二十萬盡有浙江之外御史中丞袁傖東  
討奏栖曜與李長為偏將聯日十餘戰生擒袁晁收  
復郡邑十六

天台集劉長卿和袁郎中破賊後軍行過剡中山水  
謹上太尉注云即李光弼詩云剡路除荆棘王師罷

鼓鼙農歸滄海畔圍解赤城西赦罪陽春發收兵大  
白低遠峰來馬首橫吹入猿啼蘭渚催新渥桃源識  
故蹊已聞開閣待誰許臥東溪袁郎中即袁修也中  
興間氣集皇甫冉亦有和袁郎中破賊後經剡中山  
水詩

春秋大儒

新唐書陸質傳字伯冲世居吳明春秋師事趙匡匡  
師啖助質書傳二家學歷信台二州刺史啖助傳字  
叔佐趙州人後徙關中天寶末調臨海尉善為春秋  
攷三家短長縫綻漏闕號集傳十年乃成助門人趙  
匡陸質其高第也助卒年四十七質與其子異哀錄



助所為春秋集注總例請巨損益質纂會之說纂例  
啖陸春秋大儒皆官於台州

顧況

尚書故實顧況字逋翁文詞之暇兼攻小筆嘗求知  
新亭監人或詰之謂曰余要寫貌海中山耳仍辟畫  
者王默為副赤城志新亭鹽監在臨海縣東南六十  
里今廢天台集顧況有臨海所居詩三首此是昔年  
征戰處曾經永日絕人行千家寂寂對流水唯有汀  
洲春艸生此去靈溪不見遙樓中望見赤城標不知  
疊嶂重霞裏更有何人度石橋家在雙峰蘭若邊一  
聲秋磬發孤煙山連極浦鳥飛盡月上青林人未眠

王默

歷代名畫記王默師項容風顛酒狂畫松石山水王默早年授筆法於台州鄭廣文虔顧著作知新亭監時默請為海中都巡問其意云要見海中山水耳為職半年解去而後落筆有奇趣顧生乃其弟子耳

金松

李德裕金松賦序廣陵東南有顏太師猶子舊宅予因晚春色景命駕游眺忽覩奇木植於庭際枝似檉松葉如瞿麥迫而察之翠葉金貫燦然有光訪其名曰金松訊其所來曰得於台嶺赤城志有台州刺史顏顛真卿之侄當即其人酉陽雜俎金松葉似麥門

冬葉中一縷如金紙出浙東台州尤多

平戎記

舊唐書德宗本紀貞元十四年十二月明州鎮將栗  
鎰殺刺史盧雲十五年二月乙未裴肅奏於台州擒  
栗鎰以獻斬於獨柳樹裴休傳休肅貞元中自常州  
刺史兼御史中丞越州刺史浙東團練觀察等使時  
山賊栗鎰誘山越為亂陷浙東郡縣肅召州兵討平  
之因紀其事號平戎記上之

李紳

李紳修龍宮寺碑貞元十八載余以進士客於江浙  
時適天台與修真會過於剡之陽師顧謂余曰後當

領鎮此道幸願建龍宮余以為孟浪之詞大和癸丑歲余自分命洛陽承詔以檢校左騎省廉察於茲而修真已為異物龍宮棟宇將盡命告墳塔因追昔言天台集有李紳龍宮寺詩序云貞元十六年余以布衣東游天台有僧修真為余言異日為修此寺文與此少異舊唐書李紳傳元和初登進士第當以詩序之言為是龍宮寺在今嵯縣界中碑尚存

五色雲

柳宗元河東集為薛中丞浙東奏五色雲狀右臣得管内台州奏月日五色雲見者一州官吏僧道耆老悉皆瞻觀已具奏聞并寫圖奉進者伏以景雲上瑞

王者祉符煥彩彰之在天知聖德之昭感伏惟陛下  
化孚有截道洽無垠承天地之貞明導陰陽之和氣  
紛紛郁郁自東而徂西若煙非煙一旬而再至徵諸  
古牒事罕前聞伏乞宜付史官以昭簡冊赤城志作  
元和中舊注元和十二年薛戎拜越州刺史兼御史  
中丞浙東觀察使事當在元和十二三年間

柳泌採藥天台山

舊唐書憲宗本紀元和十三年十一月丁亥以山人  
柳泌為台州刺史皇甫鑄傳柳泌本曰楊仁力新唐書作  
楊仁少習醫術言多誕妄李道古言之於皇甫鑄因  
徵入禁中自云能致靈藥言天台山多靈草羣仙所

會臣嘗知之而力不能致願為天台長吏因以求之  
起徒步為台州刺史泌到天台驅役吏民於山谷間  
聲言採藥鞭笞躁急歲餘一無所得懼詐發獲罪舉  
家入山谷浙東觀察使追捕送於京師初柳泌繫京  
兆府獄吏叱之曰何苦作此虛矯泌曰吾本無此心  
是道古教我且云壽四百歲府吏防虞周密恐其隱  
化及解衣就誅一無變異但炙灼之癰痕浹身而已  
舊唐書敬宗本紀寶曆元年八月戊午遣中使往湖  
南江南等道及天台山採藥時有道士劉從政者說  
以長生久視之道請於天下求訪異人冀獲靈藥仍  
以從政為光祿少卿號昇玄先生在柳泌誅後六年

# 滕邁

赤城志開成四年台州刺史滕邁全唐詩話邁登元和進士第湖州崔芻言郎中初為越副戎宴席中有周德華者劉採春女善歌楊柳枝詞所唱七八篇皆名流之詠滕邁郎中一首云三條陌上拂金羈萬里橋邊映海旗此日令人腸欲斷不堪將入笛中吹

## 喬度

酉陽雜俎李正己本名懷玉侯希逸鎮淄青署為兵馬使怒囚之將寘於法獄中覺有人語曰李懷玉汝富貴時至有頃天曙聞三軍叫喚遂出希逸取懷玉扶知留後成式見台州喬度說喬之先官於東平目

擊其事赤城志靈洽廟唐會昌六年刺史喬庶建是  
喬庶官於台州非台州人也宋誠蒼山廟記會昌四  
年冬梁國公喬公自尚書郎來守是邦六年春三月廟  
告成七月公大備牲牢躬自薦拜赤城志刺史題名  
作會昌六年喬莊是傳寫之謬

### 李敬方

天台集有李敬方喜晴詩云到台十二旬一片雨中  
春林果垂秋盡山苗半夏新陽鳥晴展翅陰魄夜飛  
輪坐冀無雲物分明見北辰自注時左遷台州刺史  
赤城志桐柏山題名云是年三月台州長史員外置  
李敬方自寒山回遊此在會昌六年次年即是大中



元年李敬方為明州刺史見蓬萊觀碑則敬方自始  
州長史擢明州刺史復自明州刺史左遷台州刺史  
赤城志以詩注為誤刺史題名不載李敬方非是

### 竇弘餘

雲溪友議晏于竇有異術浙東李尚書襄敬之如神  
時羅郎中紹權赴任明州竇弘餘少卿赴台州李公  
於席上問台明二使君如何于竇曰竇使君必當再  
醉望海亭羅使君此去便應求道四明山不游塵世  
矣竇少卿罷郡再之府庭是重醉也羅郎中遷於海  
島故以學道為名知其不還也

### 蕭惟香

北夢瑣言台州盤嶼邨有一婦人蕭惟香有才思未  
嫁於所居窗下與進士王元宴相對因奔瑯瑯瑯瑯復淫  
冶不禁王舍於逆旅而去遂私接行客託身無所自  
經而死店有數百首詩所謂才思非婦人之事誠然  
也哉

### 董卿

天台集張翥送董卿赴台州詩云九陌除陌書出尋僧  
問海城家從中路挈吏隔數州迎夜蚌侵燈影春禽  
雜櫓聲開圖見異迹思上石橋行行藏奎律髓題作知  
台州赤城志刺史題名有咸通七年董賡疑即其人

### 孫百篇

天台集孫發應百篇登第初授華亭尉擢台州從事  
諸公以詩贈之方干詩云聖世科名醉志業山川秀  
絕助神機梅真入仕提雄筆阮瑤從軍著綵衣皮日  
休詩云孫子荆家思有餘元公曾薦入公車百篇宮  
體喧金屋一日官銜下玉除陸龜蒙詩云直應天授  
與詩情百咏惟消一日成去北彩毫揮下國歸參黃  
綬別春鄉閒窺碧落懷煙霧暫向金庭隱姓名珍重  
與公徒有賦石梁深處羨君行

任翻中山詩

書錄解題任藩集一卷藩或作翻客居天台有宿怡  
憤山絕句為人所稱今城中中子山也林下偶談今

郡齋有翻小集僅十篇而已翻有題中子廣軒詩集中不載詩云絕頂新秋生夜涼鶴飛松露滴衣裳前却月照半江水僧在翠微間竹房天台集赤城志載翻詩皆止此篇台州府志載翻凡三到詩三首未知何據

### 羅虬

北夢瑣言羅虬累舉不第務於蹤迹因罷舉依於宦官典台州畫錦也常以晨暮勉謁邑宰橫笏傲然宰曰某雖塵吏不達事體然使君豈不看松柏下人乎譏其無桑梓之敬曾武人之不若也虬有俊才嘗見雕陰宮妓比紅兒詩他無聞也虬後為杜雄所殺下見

全唐詩錄羅虬台州人詞藻富贍與宗人隱鄴齊名  
時號三羅廣明庚子亂後去客鄜州李孝恭為從事  
籍中有杜紅兒者善歌常為副戎屬意副戎聘隣道  
虬請紅兒歌之贈之以以綵孝恭以副戎所盼不令受之  
虬怒拂衣而起詰旦手双紅兒既而追其寃作絕句  
詩百篇借古人以比其艷號比紅詩盛行於時  
延滿錄羅虬撰花九錫一重頂幘障風二新諫詠三  
甘泉浸四美醕賞五雕文臺座安置六書畫寫七艷  
曲翻八金錯刀剪折九玉缸貯

石穴

錄異記天台僧執符中自台山之東臨海縣界得洞  
穴同志僧相將尋之初一二十十里徑路低狹率泥  
塗自外稍平闊漸有山山十許里見市肆居人與世  
無異此僧素習嚙氣不覺飢渴速還其同行無苦僧飢甚詣  
食市肆乞食人或謂曰若能忍飢渴速還無苦或食  
啖此地之食必難出矣飢甚固求食焉食畢相與行  
十餘里路漸隘小得一穴而出食物之僧立化為石  
矣天台僧出山逢人問其所管已在牟平海濱矣